

حکیم محمد اسماعیل عاجز (قصور)

سید عطاء اللہ شاہ بخاری رحمہ اللہ



سید زادیا سید دی آل ہیں توں، رہیا چمکدا سدا جمال تیرا
 دشمن کنہدا سی تیرا ناں سن کے، واہ واہ رعب سی باکمال تیرا
 اُتے دنیا دے مرتبہ پا گیا اے، سادہ لو تے رزق حلال تیرا
 دوست دشمن وی ڈھائیں مار اٹھے، ہویا دنیا توں جدوں وصال تیرا
 خاطر حق دی ٹھوکر اں کھادیاں توں، اُتے حق دے ہویا انجام تیرا
 ایسے چودھویں رات دے چند واگلوں، سارے جگ تے چمکیا نام تیرا
 حفاظت ختم نبوت دی مشن تیرا، گزیا سفر اندر صبح شام تیرا
 مرن تیک ایہ بھلنا نہیں سانوں، جیڑا سنیا این وعظ کلام تیرا
 ساری زندگی عشق دے وچ گزی، اُتے ایس دے رہیا بیان تیرا
 ہو کے مست بیہوشی وچ جھوم اُٹھے، جیناں سن لیا بیٹھ قرآن تیرا
 کردا دشمن سی حرکتاں لکھ بجاویں، ہویا مول نہ کوئی نقصان تیرا
 لکھ لکھ مبارکاں ہون تینوں، ثابت دنیاں توں گیا ایمان تیرا
 ہر وقت میں کراں دعا ایہو، راضی تیرے تے رب رحیم ہوسن
 عاجز ہوویں نہ حشر دے حشر کولوں، شافی آپ تیرے نبی کریم ہوسن

